

HE KUPU WHAKAMARAMA.

Nama 12.

NELSON.

PEPUERE, 1899.

EDITOR—REV. F. A. BENNETT.

TE KOTAHITANGA O Nga TANGATA KARETI.

(Na Reweti Kohere.)

I tera tubinga o Te Pipi-wharauoa i puta etahi Kupu ruarua nei mo te hui a nga tangata kareti i tu ki Whakatu. Ko te roanga tenei o nga korero. He tangata ano kei te ao nei e mea ana e kore ratau e whakaponu i temea kahore rawa e matatau atu i o ratou hinengaro te tikanga o tenei mea o te whakaponu. Tera ano hoki etahi tangata Maori, rangatira Maori, e whakahawea ana ki te Whakaponu. Ewareware-ana i a ratou te kupu a Horomona, "Ko te wehi kia Ihowa te timatanga o te matauranga." Mo konei ta matou mihi mo nga tangata kareti e hapai nei i te whakaponu, Mehemea ko etahi tangata i te nuinga o to ratou matauranga, o ratou rawa ranei, ka wareware ratou ki te wehi kia Ihowa.

Ko te toru ano tenei o nga tau o te turanga o te "Kotahitanga o nga Tangata Kareti Karaitiana o te Ao katoa." (The World Student Christian Federation), otira hira ake i te 85,000 nga tangata kua uru ki taua kotahitanga. Ehara hoki itemea heoi ano nga tangata kareti whakaponu i te ao nei—nui noa atu. Ko te timatanga mai o tenei ope i Amerika, whakawhiti mai ki Ingarangi, ki Uropi, a inaianei kei nga wahi kotoa o te ao. Kua uru nga tamariki o Inia, o Haina, o Tiapani, o nga iwi pangopango o Awherika, o te iwi kiri-wherowhero o Amerika, a no tera tau ka uru nga tamariki pakeke o Te Aute. Ko te Tumuaki o tenei Kotahitanga, he tangata no Sweden—he wahi no Uropi—ko te Tumuaki tuarua he Tiapani, ko te hekeretari he Marikena, ko te kai-tiaki moni he Airihui. Kotahi tekau-matahi nga wehenga inaianei o tenei Kotahitanga: i te huinga o enei wehenga tekau-matahi ka tu nei ko te Kotahitanga o te ao katoa. Ko tetahi o auu wehenga kei Niu Tireni, hui atu ki Ahitereria. I tera tau kotahi ano te hui a tenei wehenga, i tu ki Poihakena (Sydney), ko Hamiora Hei raua ko Reweti Kohere nga tamariki Maori i tae. I tenei tau i webewehe nga hui—kotahi i tu ki Mornington, e tata ana ki Merepana, ko

te tuarua i tu ki Whakatu. Tokowhiti nga tamariki Maori i te hui ki Whakatu.

No te Hatarei, Hanuere 14, ka timata te hui—te mahi tuatahi he pohiri na tangata whenua. Na to Pihopa me te mea (mayor) o Nelson te kupu pohiri. I te Ratapu kahore he mahi, engari na te manuhiri etahi o nga kauwhau i nga karakia. Tokotoru o nga tamariki Maori i kauwhau. I te Mane ka timata ano nga mahi a te hui. Te mahi o te haora tuatahi he whiriwhiri i nga tikanga mo te tuku i te Rongopai a Te Karaiti ki te ao katoa; to te haora tuarua he hurihuri i nga tikanga e kaha ai te whakaponu o nga kareti; to te haora tuatoru he ako i nga Karaipiture ara i nga Kupu Whakarite a Te Karaiti. Te kaiwhakataki o nga Karaipiture, ko te tumuaki, ko William H. Sallmon M.A. (Yale). Whakamiharo atu te tangata ki te tino pai o nga whakaatu a taua tangata. He maha nga tangata kahore nei i ahuaereka nga Karaipiture ki te ngakau i nga wa o mua, otira inaianei i te rongonga ia Hamana, hibiko ana te ngakau "Whakataki nga tikanga o nga Karaipiture . . . ko enei hei kai whakaatu moku," Hoani v. 89. Kahore he mahi muri iho i te tina a tae noa atu ki te 8 karaka, heoi ano nga mahi he takare, he ngahau, ara he pikiniki, he haere paihikara, he waia me era atu mahi i whakaarohia te oranga mo te tinana, me te wairua. I te ahiahi ka tu he karakia nui ki tetahi o nga whare karakia nui o Whakatu. Ko tenei huinga no nga tangata katoa. E ki ana te whare i te tangata i a po i a po. I pauei te mahi o ia i o ia ra a pau noa te wiki. I tu ano tetahi komiti hei whiriwhiri i nga tikanga e pa ana ki te Hahi Vuori. I tetahi po i waiaatia e nga Maori, me nga Pakeha hoki e matatau ana ki te reo Maori, te himene reka nei a "Kawari." I te po whakamutunga i tu te hui poroporoaki ki te whare tiata nui e Ahakoa te nui o taua whare kore rawa nga tangata i emi ki roto. Ko tenei te huinga tino pai atu. He tokomaha nga tangata i tu ki te whakaatu i nga painga o taua hui i pa mai ki o ratou ngakau.

Tino nui atu te manaki a nga tangata o Whakatu ki ta ratou manuhiri. Te nuinga